

本館新聞除禮拜外日出一紙諸君賜閱本報者無論本埠外埠均可函致本館取閱如外埠賜閱加寄費可也除日報常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人排印工藝甚精所有中西文字均能刊印並有石版印字大小機器均用精工刊

第 二 千 四 百 零 五 號

報 叻

本館開設在舊巴剎口門牌第十四號

印工綴絕倫前延有文士書寫各體文字現由上海購到各種書籍出售其書目另行刊佈所有各項體裁相宜再本館所登來札原擇其有關世道人心者附登否亦須無礙於人而後始錄其有謬屬成文以及支離費解者概不登報嗣後諸翁來札尚祈自諒更須寫實爵里而後敢登但來稿登與不登均不能將原稿收回也 本館謹白

已 丑 十 一 月 初 一 日

大英一千八百九十一年十一月三十號禮拜六 凡刊印告白第一日每一字仙二日以下每字半仙 每張售錢五仙 每月一元 每季三元 每半年五元 每年十元

特聲明於報倫 諸君有取閱本報以及一切事宜可向葉春詢問庶歸便捷以免轉折之勞諒亦爪亞諸君所樂從者也特此佈告 本館謹啟

本館新到各種奇書發售 ○啟者茲本館近由上海姑蘇等處購買各種奇異新書及地輿圖誌等來叻發售其書或銅板木板鉛板石板均無不有且字畫詩書等項尤繁多有叻地未常經見者其有益於世道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也有所各書目錄已另列單張附呈 鈞覽閱者 鑒焉 本館謹白

中西月份牌出售 ○啟者本館業經印就庚寅年之月份牌發售刷印中西字樣均甚玲瓏緻工與他家所印者不同且較對無訛悉遵時憲書所定并繪畫春牛圖等各種圖畫於上所有白紙色紙設色白描各款俱備以憑選擇 諸君有欲採置者祈早 惠臨看閱價甚相宜此佈 本館謹啟

推論南洋市面日衰之故

檳城商局日壞情形本報業於前昨兩日報中迭經登錄惟近來南洋生理日絀一日幾至不支市面懋遷之壞無有過於此者其中實未嘗無故存焉試就前論所未盡之意而再言之按南洋生理之壞其故甚多前昨兩報已為之指陳然更有大壞之處約有兩端一則因地段之害人一則因股份之誤事也然此中所以受累之故則實由銀行之不善於操縱所來試更就其說而詳言之即如本坡一埠地狹人稠每每慮其不能勝容由是國家遂起填地之議而丹戎巴葛填地公司亦因而創立所填之地由丹戎巴葛以至直落亞逸一帶一望無涯均屬新填之地今已建築者不過數街其餘未經建築者尚不知凡幾然當日填築工竣拍賣之際則人皆爭相購買以為助中地價必能大漲一時舉國若狂而諸銀行復縱容之每見地券必允與之典當然則人之購地者其膽益狂如已僅得銀三千元即公然買受銀元之地此無他蓋特銀行當單之便如已所購之地其價萬元即先交三二千元與其出券然後持券向銀行典當以一萬元之地何難借來此地不憂出售轉瞬間即能獲其厚利凡買地者莫不隱存是心不意近來叻中地皮以填築日廣且多屬荒蕪即已建屋者亦鮮人居其未經起建者尚不知凡幾故地價不惟不起且日見其衰漸而人見其地價之落也則買地者必手為之縮足為之裹則欲將地售賣更誰過而問津夫地既無人願買而又艱於起造實與人居不過荒蕪置之其地遂無人息然所借銀行之款則又須償其利息此中虧累已有不可言之苦迨至銀期已屆而銀行復追還所欠而本坡市局之頹至此更有何人願與其買受彼地既不能買受更安能籌款償於銀行是則不至一蹶而不可興者不已是皆由購地股所以誤之也而更有所謂股份者如近來南洋錫業如此其佳南洋商人多垂涎之故遇有錫礦公司招股則無不爭相購買款項不足則貸以繼之雖曰所購之股以西人為多然在華人之中亦所不少不意諸錫礦開辦後竟多不能如意如刺汪班炎各礦已可為明徵直至有欲將其股份送與他人且竟無有願受者且有受受一殷欲反助銀一元之事然則錫礦股份之弱可知想而知然此事前則相率趨之一旦而淪落至斯則南洋諸商安得而不為所累乎且也銀行向來貸貸有借有償即至銀期不能即還更可商諸銀行以期轉單俾得續其期限而今銀行不惟不肯以銀出貸且所貸之款若一到期即須收取並不許人之轉單一進出間而所差有不啻天淵之隔以本年叻地諸銀行而計收回之項已至千餘萬元夫叻市既少此鉅資則安能以資轉運一埠如此則他埠可知且銀行既已如此則齊智人亦將束手而無所施為蓋歷來齊智人之貸款全賴銀行為之富單今銀行既不容其富單彼齊智人又將何從出貨是以不惟華商倒閉即齊智人亦有為之潛遁者蓋為此也然此則皆由銀行操縱太切所以貽誤至斯蓋前者則貸款甚易則人有恃而敢於為今一旦而遁取之則諸商又安得而不交困哉嗟乎南洋商局如此其頹實由銀行有以致之也可勝慨哉

諭旨恭錄 ○十月初六日奉 上諭譚均培奏藩司呈請開缺終養據情代奏一摺雲南布政使曾紀鳳着准其開缺欽此

勿刺施國電音 ○廿七日英京發來電音云勿刺施國現在雖立為民主惟與各國交涉之事悉照前定之約而行然則國事已定前王復位恐有甚礙為力矣

列邦會議電音 ○廿七日英京發來電音云現在歐洲各國定於德國之勿呂斯地方齊集會議買人為奴之事至於斯議如何則現猶未得而悉也

埃及電音 ○廿七日埃京發來電音云西明年埃及國內之賦稅以及支銷之項現在業經議定所有進款除支銷之外尚可存銀十五萬元然埃及一國因兵變凶荒已餉除稅項銀十萬元乃餉除之外尚有所存較其平昔入不敷支者已不殊霄壤非得英人與其經營之力亦曷克至是哉

觀會人多 ○法國本年開設賽珍會一事天下均已聞之此舉實不同於尋常故自前數年即經定約並向各國通知以故人多羨慕得以一遊為快迨至開會之際有志之士以及好奇之人即遠居異國亦乘興往遊計自開會至今到而觀者計共二十五兆人之多是亦可見遊觀之人眾矣


英人說夢 ○接英京遞來信息言現在英京所創民東探錫有限公司之總理人將該公司之數目及其生理情形對眾言之中有言及前者新嘉坡等處商人在英討求股份者不能悉數然叻地之詎彭亨甚近則叻地諸商諒能悉該礦情形而知本公司礦利之豐以故紛紛討股然則本公司之錫礦諒應不啻於他處也其言若此在該總理人之心固已揚揚得意矣不知叻商前者所討之民冬股份近已大為虧累股價日減諸商之受其累者已無路可以訴其苦衷然當日叻商所以多討此股份之由殆亦未嘗無故因見當時班炎及刺汪諸礦聲之美故股價日有所增由是人皆慕之凡見錫礦股份即爭相購買以至舉國若狂迨至某西人所謀不遂大局遂即變遷以至股價頓衰有如潮流之退日下一日至有反欲貼費與人而求領其討份者然則礦股無憑可想而見乃該總理猶借叻商為耳目謂其錫礦之佳噫此曾非癡人之說夢也乎

東瀛風災 ○日本夏高德地方於西歷二十一二兩日迭遭風雨為災燬馬廐杜火船道經口外為風所傷遂折入港內倩工修葺越二日而工竣即展輪往柯路打城當風雨之初至也美國芝士波路帆船滿載硫磺欲往舊金山為風所阻擱於沙灘翌日水漲始得出險離幸無傷然已受驚不少矣風災之後居民以雖受虛驚幸無大碍莫不私相欣慰兩日之間又復四遭地震幸勢力甚微亦無傷物云

日本近事 ○日本政府辦理改正新條約期於今年夏秋之交與各國互換近因所改新約多不合人民之意以致各處紳士庶聯合上書求止日皇閱各書中所陳利害於本國大不便者甚多因於夏間中止但事已通各各國新約中凡不便日本者即有利於各國至此咸來敦促日皇朝臣有謂斷宜施行有謂決須中止兩黨以意見不合均引領而待山縣伯爵同自泰西以便定奪又聞前者後藤伯爵朝日皇時特抒已意上書陳奏大以新條約為非而松方大臣又拘執憲法謂當急急頒行現在距俄國批准之期已迫乃遲之又久恐俄人不免詰責加之矣

露江寒汛 ○廈門浮嶼陳穎川堂落成演劇情形迭經登報茲閱友人所述該祠建做之故尤為詳盡者爰補錄之查廈門一隅以陳吳黃王四姓為最多而粵籍陳姓在廈多年者亦與廈人聯為一族前年在浮嶼地方購得曠地一區相集巨費建造大屋一所名曰穎川堂即陳姓祖祠無論貧富貴賤凡屬陳姓後裔有願將家中祖先神主奉入祠者悉聽其便但核其捐款之多寡以定位次之尊卑去秋遣人來南洋各海口如寶順檳榔嶼安南西貢等處相集數萬元今秋祖祠完工上月落成僱名班演戲二三十齣陸續迎木主入祠熱鬧異常各人所定戲班按日演劇圍觀黏貼已有一百數十本之多按日演唱諒非半年不能完竣族大人多於此可見矣○諺曰不賢妻不肖子無法可施此亦未嘗無其情也雖然乾綱不振責在夫男若平日能取之有章則伏虎馴獅亦非難事嗟乎是語也又豈易言哉觀胡樹之所為則轉令人吹竽者之反鏡至樂矣胡樹者本安溪縣上帶社人向在廈門打棕街開設文成號碗店營生迎老父以同居有妻李氏在鄉間以奉其母然則高堂二老子婦分任其承歡計亦良得也詎其婦悍惡異常不能孝於其姑且常因事與姑口角以致勃谿故漸不為宗族所容然婦之弟某則固多在廈充當起貨之散工以故婦遂從其兄弟皆往廈門以依其夫由是與翁同居匪婦又不能承順乃翁胡屢誨之弗恤以故夫婦遂相反目而琴瑟間竟至異室而居異鼎而舉則其積怨有可知矣嗣胡見其妻悍毒如是且已年逾三旬尚無所出以故不無作小星之想而意中眷戀亦自有人事為其婦所知則益詭譎不堪胡益怒怒竟至夫婦間不相問答婦至是遂陰懷去志潛將其首飾細軟預藏其兄弟家中迨至去月廿日又與其夫爭鬧胡時忿極因以拳擲之數下詎婦即乘此勢着人報知其兄弟弟到而滋鬧婦兄李芳等聞報登即糾合十餘人到文成號內尋胡打架欲與其妹復仇於此滋鬧不堪坊鄰人等均為不平乃齊出助胡因執獲其黨一人送交廈防廳察當時胡婦因眾喧嘩之際乘機逃回兄弟家中即亦借其兄弟訴諸廈防廳謂其夫棄妻寵妾云云迨經分府傳訊洞悉其奸乃命將李芳及所獲之幫工各責一百而該婦李氏則掌嘴四十並交官媒看管而胡氏父子即命暫歸候訊云○廈門近來天氣不正異常蓋自霜降以後天氣仍復酷熱燥燥燥燥尚覺汗涔

蜜酒出賣



啟者本行由歐洲辦到上等密酒
來助發售其酒甚佳茲將標頭印出
諸君光顧所為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶龍 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 叻報 明賜也洋行謹啟



RIGAND'S KANAGA WATER.

列顯干那芽花露水 ○此水係以干那芽花
所製其花出自日本國中香冠凡卉乃列顯君
在日本探辦載回法京製成此水以故其香甚
清而其用亦甚善如皮膚有皴裂等病抹此香
水固能愈痊尤可解蚊口之毒若以此水和水
水盥洗面能令人肌膚嫩滑顏色光潤且瘡癩
不生本藥房製成此種花露水銷流已久遐邇
傳揚不料近有德商仿照本藥房所造此水以
圖射利其實氣味遠遜迥隔霄壤 諸尊有購
買此水者請看以下所列第一款之西字標頭
本藥房所用製載此水之樽係有浮凸字樣如
下所列第二款之西字註明列顯公司字
樣如標各均有親書號據始為真貨否則係為
混冒尚祈慎購至於各式八等有假冒本藥房
花露水或由外處運來或在本坡發售一經本
藥房查出定必嚴行控究至本藥房之花露水
係託新嘉坡藥房麥加君代售並未開枝別處
併此聲明此佈

'KANAGA DEPOSE'

4430.

MORRHUOL.

橫好呂解毒葆元藥丸
○此丸端治虛損吐
血花柳傳毒咳嗽哮喘
目痛重舌等症其效如
神且不惟解毒並且能
調和營衛葆養精神現
在法英美等國醫士所
用花柳敗毒之藥均用
此丸無不藥到病解立
見春回若服此丸須仿
照魚肝油之法要緩緩
緩吞下必於用飯時吞
服一二粒切勿誤為急
吞以背腹法此丸係以
樽裝載每樽計一百粒
現託新嘉坡藥房麥加
君處代售此佈
大英十一月八號

SANTAL MIDY,

DR. MIDY'S SANDAL OIL CAPSULES.

檀香油藥粒 ○此藥
係製成油質以薄皮一
重裹作粒形以便易吞
而其藥力能端治花柳
淫毒白濁白帶癰閉一
切等症如症雖香痛服
之立止而服藥後約歷
二三日即見功效但所
患過重者須每日吞食
六次每次吞食二粒至
痊愈後宜再服十日
庶得消除後患永絕根
株惟食此藥時宜戒色
慾勿自誤致礙藥力之
幸勿自誤致礙藥力之
不神也現此藥託交新
嘉坡藥房麥加君處代
售此佈

FRUIT JULIEN.

浮律如坐馬藥糖 ○此
藥糖係採鮮果之汁加以
藥料和製成塊略如糖粒
氣味甘佳而其功效較於
油為日且無其味如糖
均能服食且其味有如糖
菓最為適口尤為小兒所
愛其藥力能治肚汁太
多里舌頭痛鬱結大便不
通斑疹血熱血毒以及皮
膚皴癢等症服之亦可涼
血行滯且能令臟腑潔淨
痼疾立除但服之法宜於
臨睡時嚼服一二粒至翌
早飲茶一杯須臾即覺大
便通利身體爽快此藥現
託交新嘉坡本藥房麥加
君處寄售此佈

金花鐘標萬國池酒出售 ○啟者本公司向由歐洲督辦頂上正鐘標萬國池酒來叻發售業蒙 仕商光顧莫不盛稱其妙蓋此酒
價廉而味高遠勝他酒故能令飲者之欣悅 諸君光顧認明印標字樣庶免自誤也倘有君欲購買鐘標正貨可至本公司或一發酒公司選
購均可至本公司開設在土庫後海墘香港上海銀行之鄰即加頓麥洋行舊址諸君光顧致勞玉趾特此佈聞英九月十三號致呼公司啟

新同興西國藥房告白 ○啟者本藥房設在大馬路吉靈街頭第一百八十五號門牌自辦歐洲製便一切西國膏丹丸散發售或全
售或零沽均無不可並准照醫檢藥如何製法均能代辦製之事必加謹慎斷無致誤而本藥房現有西醫樓里前者曾在英京考授官醫之
職今在本藥房內候醫每日上午由九點鐘起至十一點鐘止下午二點鐘起至四點鐘止又有種痘醫士地加沙琴卑禮亦在本藥房候診所
有痘種均由英京自辦頂上之品每日上午由七點鐘起至十一點鐘止並有鑲牙醫生張星波在本藥房候診每日由上午六點鐘起至下午
六點鐘止均在藥房內接教而本藥房前售賣頂上戒烟之藥如吞服者無不立除烟癖前製祛風萬應藥酒發售此酒乃精選西國上品
藥料虔誠配製專治男婦筋骨酸痛手足拘攣週身浮腫花柳傳毒以及奇難雜症等奇效異常 諸君賜顧尚懇移 玉惠臨為盼
大清光緒十五年九月初八日 新同興藥房謹啟

樓口然甲竟未有派用陋規故聽署民壯及馬快等遂於九月晦日往為拘捕謔賭徒紛如鳥獸散故僅獲得一人解到案中尚未悉官長作何訊辦也

潮郡談新 ○海陽市鎮惟登竿為巨擘埠中賭場數十皆文武衙門得規包庇近有龍溪都紳士八人倡集義舉以端風化而禁賭博爰列名具公稟請示於海陽縣主至是舉中文武以吏胥始有懼意因請外城鄉紳為其辨解每月議納款錢數千以助該埠士林敬惜字紙之費迨至十月下浣始經議定訂立規條云云廣東國姓之省城固已通行而潮郡亦染此風且不但市井之輩為然即鄉內紳士林名宿素所稱為正直者亦竟相趨逐恬然不以為怪不以為羞風氣之頹一至於此亦良可慨矣○潮俗鎗替之弊其禍實由釀生放馬故曾太守紀渠於十月十四日辰刻接學憲畢即設宴傳九屬與生赴席席間論其不可放鎗以嚴肅場規可見賢太守慎重治才之至意矣

壽物成仙 ○龜從耳息壽可千年各處廟宇皆有畜之然多花頭龜之屬非真綠中公子也梧州南門外三角嘴地方之三泉廟階下有白石池塘畜龜數十潛滋獸長生養日繁傳傳成化年中州西粵善士放生於此其巨者體大如盤蓋真戴甲負龜之種類也邇來不知何故忽死六龜一頭權之重七十餘斤值理裏而葬之山麓論者謂為池水瀾濁所致未卜其然否較廟又畜有小青龍兩條另以木龕供諸神座側龕內嵌以假山玲瓏可愛觀者欲睹龍體則持雞蛋餉之龍即蜿蜒而出鱗甲皆翠色腹下稍現金黃光照人眼尤可異者該處如遇賽會而廟僧即騎青龍駕出遊龍使點領而出纏於柱中任人抬行街道故凡遠近是邦者莫不欲一睹為快而廟神之威靈不著更為商旅福庇香火特盛云

辦理賑捐任觀察照會英國担律師文稿 ○南洋通商隨員辦理蘇皖賑捐事務候選道任為照會事案奉本國 欽差南洋通商大會札開照得 英國君主捐賑銀百磅請 行飭下總理衙門致謝暨律師担文勸捐出力懇恩賞給三品頂戴一案經本部堂於光緒十五年八月二十日專差附片具 奏除俟奉到 硃批另錄咨行外合就抄札札到該道即便知照此札計抄片等因奉此相應抄粘照會為此照會 貴律師請煩查照為荷須至照會者 計抄片 右照會大英頭等律師担文光緒十五年九月初三日抄片 再江蘇安徽兩省上年水旱為災地廣且重經臣奏明勸捐助賑當以上海為通商總匯之地會派上海道龔照環候選道任錫汾候補道壽緝矩多方勸募英國律師担文駐滬多年聞風義推之新架波檳榔嶼等處華人之在洋貿易及外洋紳富仰慕 聖朝德澤普救災方靡不慷慨好施欣然捐助陸續共收華洋合捐銀三十餘萬兩內撥解蘇皖賑銀八萬四千餘兩其餘均解奉天山東兩省各處災黎深資接濟華洋勸捐各紳董經手捐款捐賑銀百磅亦屬惠及吾民此係通商之國可否請旨飭下總理各國事務衙門照會駐京公使婉為致謝以重邦交律師担文近年於中國交辦事件頗能力圖報効此次承辦賑務勸集鉅款尤為出力可否仰懇 天恩賞給三品頂戴以示獎勵之處出自 逾格鴻慈理合附片陳請伏乞 聖鑒訓示謹 奏又南洋通商隨員辦理蘇皖賑捐事務候選道任為照會事案奉本國 欽差南洋大臣會 札開照得 英國君主捐賑百磅請 旨飭下總理衙門致謝暨律師担文勸捐出力懇 恩賞給三品頂戴一案經本部堂於光緒十五年八月二十日專差附片具 奏當經抄片咨行在案茲於九月十五日差弁費回原片奉 硃批著照所請該衙門知道欽此合就恭錄札行札到該道即便欽遵等因奉此相應備文照會為此照會 貴律師請煩查照欽遵為荷須至照會者 右照會 大清三品頂戴 英國頭等律師担 光緒十五年九月二十一日

巡官受傷 ○頃接都門來函內稱京師重地盜劫之案層見疊出前經步軍統領衙門嚴行提獲多名立即正法乃該盜蜂蟻聚殺者自殺而盜者仍盜竟有耗金革而不避之勢九月廿四日初更時南小街油鹽店將開門就寢舖堂閣門環作響起而燭之門已被撬半開高聲問之外答以買燈籠者內告以無外則曰便宜爾即寂無聲息不逾時鄰舍茶葉店被盜撞門入室明火搶去多物又連搶麪舖寄存銀四十餘兩報案尚未緝獲而廿六日夜半前門內南御河橋戶部街之官廳驛騎校佟某率領差役四名燈夫一名沿街查夜行至橋西有堆驛值更人王三擊柝相迎突來盜匪二三十人向佟叱曰可速回去佟未及答官人從旁叱喝盜黨呼嘯一聲將校及差更等人圍住校奪路而走未及數武至石橋拌跌倒來盜賊打校某面上連被三刀趕緊閉身奔逃至太僕寺門首盜黨復又追著將校辮髮揪扭去煩惱絲一把並白頂纓帽燻粉碎大僕寺署中值夜人觀此情景早經躲避無踪幸校奮力尚強與盜且鬥且走得保全性命惟看堆人王三受傷甚重盜賊如此橫行該驛騎校當必稟明上憲從嚴緝捕也云云來信所述如此亟錄之以告有捕務之責

課榜照登 ○會賢社十月課卷共廿七名茲將前列獎賞十名開列於後 史鳳生 吳士達 王攀桂 許朝鳳 麥珠吉以上每名賞銀壹元 吳達文 吳英仁 許其莊 周 堂 洪昌涵以上每名賞銀五角

會賢社十一月課題 ○五福不言貴論 梅蘭竹菊 七絕詩各一首

京報選錄 ○頭品頂戴四川總督臣劉秉璋跪 奏為遵將鄭工新例十六次收捐銀數造冊請獎恭摺仰祈 聖鑒事竊查鄭工新

例前於光緒十三年十二月初二日開局起已將初次至十五次收捐銀數暨捐生姓名年貌籍貫三代分起造具清冊先後奏咨在案茲據布政使恭摺詳稱自光緒十五年四月二十一日起至五月二十日止屆滿一月共收捐從九品職銜三名監生六名翰林院孔目職銜一名武監生二名分發委用二名職銜監生一名實收庫平銀一千二百零八兩八錢九部飯食銀一十八兩一錢三分二釐公費銀三兩二錢國子監飯食銀九兩照費銀一兩八錢除將收捐銀兩專款存儲聽候指撥並將部飯銀兩封固存庫萬有便員搭解外所有十六次鄭工捐款造具各捐生年貌籍貫三代清冊詳請奏咨前來臣覆查此次收捐銀數較與鄭工折例相符合無仰懇 天恩勅部迅予核議給獎頒發執照來川以便給發用昭激勸除將副實收清冊分部監所有鄭工十六次收捐緣由理合恭摺具奏伏乞 皇上聖鑒訓示謹 奏奉 硃批該部議奏欽此 ○會國基片 再前准部咨道府州縣等官無論何項勞績歸入候補班人員即以到省之日起予限一年奏明分別煩簡補用等因歷經遵辦在案茲據江甯藩司續將在甯差委之道員等官隨時甄別詳請加考具奏前來經臣察看得二品銜江蘇遇缺儘先題奏道何福海明白吏治有守有為二品頂戴江蘇遇缺儘先題奏道楊鴻度明體達用忠愛性成同知銜候補知縣楊勳方勤政愛民實心辦事同知銜候補班補用知縣王觀際年強才敏振作有為均堪以煩缺留省分別補用請將履歷清冊恭呈 御覽所有甄別道員等官緣由理合會同護理江蘇撫臣黃彭年附片陳明伏乞 聖鑒訓示謹 奏奉 硃批吏部知道單併發欽此 ○陳彝片 再州縣勞績保歸候補班人員應於到省一年後察看考核奏明分別繁簡補用歷經循辦在案茲查有同知銜銜擊安徽候補知縣郭建勳自光緒十二年九月二十到省之日起連閱扣至十三年八月二十日試看一年期滿例應甄別據藩臬兩司會詳前來臣覆查該員郭建勳事理明白堪以繁缺留省補用除咨部查照外請會同兩江總督臣曾國基附片具奏伏乞 聖鑒訓示謹 奏奉 硃批吏部知道欽此 ○張曜片 再查吏部定章知縣選缺凡保舉捐陞 大計選缺向歸內選陞調病故告休遺缺向歸外補丁憂終養修墓葬親等項改歸內選擬回迴避改教等項改歸外補參革降補之缺簽掣先後一歸內選一歸外補等因遵照在案臣於六月二十二日附片奏請將邱縣知縣韓齡帶陽縣知縣陳文顯開缺另補該兩缺應留外補以符定章前奏未經聲明請附片具陳伏乞 聖鑒訓示謹 奏奉 硃批吏部知道欽此 ○頭品頂戴湖北巡撫臣奎斌跪 奏為鄉試廉官現任州縣不敷調充循例考選科甲出身之候補人員恭摺仰祈 聖鑒事竊查湖北省鄉試廉用內簾房考十員嗣由庚午科為始奏明添設二員共計十二員應於科甲出身之現任州縣先期調考承充本年舉行已丑 恩科鄉試臣與藩司德標於現任州縣中逐加遴選僅能檢調數員其餘州縣或現居要地或辦理堤防均未便遽易生手致滋貽誤應遵例定例於科甲出身之候補人員詳加遴選與實缺人員一體充當由臣認真考試擇其文理優長者派充內簾房考其次無論現任候補派充外簾差使以慎衡才而重試事據該藩司前德標具詳請奏前來所有內簾房考以科甲出身之候補人員一體調充緣由理合恭摺具奏伏乞 皇上聖鑒謹 奏奉 硃批知道了欽此

賞格 ○啟者牛車水萬鳳號當舖人姓名銘池即外人呼之為阿明者乃福建省漳州府人突於十月廿一日席捲私逃將本當舖所存候贖之金磁器物並銀兩等多為所盜計值約八千餘元除稟報府案嚴行查捕外茲特重懸賞格倘 四方君子有知該逃件下落將其執拿交到者即謝花紅銀一百大元倘來報信引捕者一經執獲即謝花紅銀五十元決不食言至於逃匪件尚有映相一紙存於本號之內 諸君有欲觀看以便為之物色者即至本號閱覽可也此帖 大清光緒十五年十一月初一日 中街萬山號謹啟

房屋出投 ○啟者茲承典主之命定于西十二月四號即華本月十二日禮拜三下午二點半鐘在本館內拍賣舖戶三間坐落在絲絲街門牌第四十一號四十二號及四十三號其地其大有三千六百九十八方英尺地契限九百九十九年之期每年繳納地租銀十元至於投定之後須先交價資四份之一餘款限於西十二月二十三號以前清償至于拍賣章程另有西字列明覽之便悉 諸君有合意者祈屆期 玉臨投買是荷此佈 大英一千八百八十九年十一月廿三號 大清光緒十五年十一月初一日 巴越館主謹啟

大鏡出售 ○啟者茲本館有新到各式大鏡大小俱全其鏡概鑲金邊甚為美麗 諸君有欲採買者請至本館看閱以憑選購特此佈聞 大英一千八百八十九年十一月廿一號 大清光緒十五年十月廿九日 巴越館主謹啟

工部局告白 ○啟者茲照一千八百八十七年所立第九條章程內第二十款及三十七款內之律在叻公舉本局人員茲定於西十二月六號即華十一月十四日禮拜五在本局寫字樓公舉至於所舉係何段人員當再行刊佈通知可也至於欲投票公舉局員之人務當遵照本局所立公舉人員投票之規則而行方能為準特此佈聞 大英一千八百八十九年十一月廿號 工部局司理人謹兒不勝宜禮謹啟

輔政使司示 ○大英署新嘉坡輔政使司 為招人承辦雜物事照得英一千八百九十年本國家所用一切雜物茲照例招人承辦為此特諭商民人等一體知悉汝等有願承辦可以入票本署以憑選擇至欲知其詳細情形者可至本署詢問便得各宜踴躍切切特諭 大英一千八百八十九年十一月十三號 大清光緒十五年十月二十一日 示

工部局告示
啟者茲本局有英字律例一本乃照一千八百八十七年第九條律章所定而立茲欲招人翻譯中國穆拉油吉靈各式
元故特再為通知招人投票以請此項凡投票者須於西十二月三十一號即華十二月初十日以前將票投交本局以憑選擇至其票之格式
以及章程一切詳細情形可向本局詢問便知一切特此 佈聞
大英一千八百八十九年十一月十二號
工部局司理人釐兒不勝宜禮謹啟

招請繙譯
啟者茲本局有英字律例一本乃照一千八百八十七年第九條律章所定而立茲欲招人繙譯中國穆拉油吉靈各式
文字並刊印銜裝各事如有欲承此任者須將其費若干列明於西本月三十號即華十一月初八日禮拜六以前入票於本局以憑公同選
擇至於其詳細一切情形以及該繙譯式可向本局詢問便知一切特此佈聞
大英一千八百八十九年十一月七號
大清光緒十五年十月十五日
工部局理事人釐兒不勝宜禮謹啟

斐理伯比得屋斯提藥材油
○本館自製之屋斯提藥材油能治各病醫愈者甚多而將其尤為見効者錄登於左 一治一切寒熱
等症 一治筋骨抽痛等症 一治身體癱軟四肢無力漸至廢痿等症 已上諸症皆藥到功成茲將用藥之法列左 其用法將藥油傾放
掌中或貯於茶盅之內亦可以手蘸藥油將患處抹擦後以布裹之至一點鐘之久然後解去每日或三次或二次擦後將藥油吞服如嫌味惡
則以糖和之每服約一茶匙日中或三次兩次不等不必拘例又不用節戒食蓋各物皆無所忌也又此油能將筋骨內之邪風濕氣抽出食
之無毒本館現在新嘉坡後港吧詩立幸椒園製遺發售又寄經葛兄弟士庫代售計每罐取回價銀一元 諸君光顧請認罐中屋斯提字樣
為據以免自誤特此佈聞 大英一千八百八十九年十月廿五號
葛兄弟謹啟

貨棧出賃
○啟者茲本號有大貨棧一間坐落義福館之鄰第四號門牌現欲出賃與人如有欲稅此棧者可至本號面商便得此佈
大清光緒十五年九月初九日
黃坤豐號謹啟

北慕娘埠
大英北慕娘埠政使司 為曉諭招徠事照得現在有藍烟筒輪船由新嘉坡往來古達仙那港等埠每月往來二次如有附貨搭客者可
至新嘉坡本公司之代理人然申洋行內詢問便知如有容籍人及華西教之人或單身或攜眷到本埠之北慕娘者可至本公司之代理
人處買取船單每紙五元至六元小童半價因現在仙那港地利日興建造日廣人民日眾故需用工役亦日多該處天氣甚
佳週年如香港八九月之氣候近來香港雖有工藝之人甚多前往該處然其須役仍復甚殷且其工資所入亦有甚豐茲將各役工價略
登如左 計開 木匠每月工資十六元至十八元 運貨工每月工資十三元 農衣匠每月工資十二元 并將食物價銀列左 計開 魚每
元至十五元 雜髮匠每月工資十二元 洗衣匠每月工資十三元 農衣匠每月工資十二元 并將食物價銀列左 計開 魚每
斤銀一角二占至一角四占 魚干每斤銀一角六占 羊肉每磅銀三角半 牛肉每磅銀一角半至二角半 猪肉每斤銀三角六占
鷄每隻銀四角半 鴨每隻銀七角半 茶每包二兩裝者銀五占至一角 米每担銀三元半至三元六角 穀每担銀二元三角
至二元四角 番薯各担銀四元至五元 麵包每磅銀八占 白糖一斤銀一角一占 牛乳油一磅銀五角半 鹽一斤銀六占
火水一箱銀三元二角至三元五角 小牛一隻銀三十元至四十元 羊一隻銀十元 猪一担銀二十二元 眾客人及奉西教之華
人如欲請地種菜及種菓木者可向該處地司署取討憑字惟照以下所列規條而行 計每人可與五希葛之地三年內不收地稅以
後一希葛一年不過僅繳稅二角而已其中或有客人及入教華人欲取山林之地願自行倒樹開墾闢而耕作者於初領地之四閱月內
每一男丁可向國家借用三元有婦者可借五元有子者可借六元但其借否係由國家主裁非為定例所借之項以於十八閱月還還但諸
人有欲來本公司所轄各地方者可先向本公司代理人然申洋行內詢問一切便知詳細但在本國家之地方內不得聯設私會如有犯
者即將其產業充公并將其人或拘禁終身或驅逐出境而私會之頭人或受有職事人等本國家必當從重懲辦至於外來之人到本國
家所轄各埠時即欲向本國家取討地段以為種植者可至本司署或理地人員處求領如有欲全家或集鄉黨諸人概來本國家所轄各
埠以為作種之事須先請其頭人二三名先來本處看閱地土以及一切情形俟查閱明白然後前來是則未之先已預知此中情形可
以易於設法矣如有此等人欲至本處查探情形者可往新嘉坡本公司代理人然申洋行內報明若果實無欺則其來往船費無須自
辦而本公司代理人亦當為之預備俾不至往返徒耗資財也但如有入欲至附近仙那港埠或古達或萬汝諸埠種作胡椒者本國家當
就便給與地段俾容耕作計萬汝地方由納蘭以帆船前往不過一日水程而已該地甚屬肥沃如種胡椒更為合式現在業經取地開工
種植者已有甚多但有人結伴前往該處種植胡椒者必須請其首領人先至該處討定地段以及預備一切事宜庶免臨時倉皇失措但
此等人欲至本國家所轄各地種作者如由本國家支取船費則務須先至仙那港到埠之後即將情形通知該處輔政使司方可特此諭
知各宜踴躍幸無觀望特示 大英一千八百八十九年九月十七號 大清光緒十五年八月二十三日 示

招徠告示
啟者茲本局有英字律例一本乃照一千八百八十七年第九條律章所定而立茲欲招人繙譯中國穆拉油吉靈各式
文字並刊印銜裝各事如有欲承此任者須將其費若干列明於西本月三十號即華十一月初八日禮拜六以前入票於本局以憑公同選
擇至於其詳細一切情形以及該繙譯式可向本局詢問便知一切特此佈聞
大英一千八百八十九年十一月七號
大清光緒十五年十月十五日
工部局理事人釐兒不勝宜禮謹啟

